

Lettre Jèrriaise (31) Sanm'di lé
17 Août 2024.

Bouônjour, bouonnes gens et
ch'r'est mé, David Mathet,
tch'a l'pliais d'vos présenter la
Lettre Jèrriaise acouo eune
fais, anniet Sanm'di lé 17 Août
2024.

J'aime craithe qué j'sis pûtôt
optimiste qué pessimiste –
p'tête par fais réaliste. Ch'est
difficile dans des temps, quand
j' êcoutions les nouvelles dé n'
pèrdre pas toutes espéthances
quand i' y a temps dé troubl'ye
et d'peines autou du mondes;
qué s'rait les tèrribl'yes
événements à Southport ou les
êmeutes ch'ont suivu, sans
autcheune raison ou logique.

Et pis j'avons des d'gèrres chi
écliatent partout l'Mondes.
Ajouôtez avec tout chenchîn
la caufsie du monde, la
biodiversité endang'ye et des
politiciens pus înterrésie à
s'entre chiconn'yi qué
d'montrer eune vraie vision

pour l'avenithe. P'être pas
tréjous, mais trop souvent!
Ch'est-y pon assez dé nos
faithe nous d'espéther et
d'tchais dans l'pessimisme.

Mais quand même, j'vînt fini
dé liéthe un livre par lé
mèrveilleux David
Attenborough ouais tchi'l
èrfliéchis sus sa longue vie sus
not'e plianète.

Les preunmiés chapitres nos
prend à travèr les années
1930, '40, '50, '60 . . . jusqu'à
2020 et, parmi bein d'autres
choses, i' nos donne tchique
statistiques bein èrfaidgiants.

En 1937 la population
Mondiale 'tait 2.3 billions, par
1968, quand j'tais fini dé mon
êcolage, ou 'tait 3.5 billions et
7.8 billions en 2020; pus dé
trais fais ché qu'ou 'tait en
1937!

Lé tchèrbon dans
l'atmosphéthe en '37 'tait 280
parties par million, 323 en '68

et 415 en 2020; eune fais et
d'mie qu' oulle 'tait en '37

Eune autre îndicâtion est la
proportion dé paysage
sauvage, principalement pour
les animaux. En '37 ch' tait 66
pouor-chent (deux tchières dé
la tèrre); en '68, 59 pouore-
chent; et en 2020 un maigre 35
pouor-chent – tout à r'fraidgi
lé sang!

J'avions comprîns tout
chennechîn pour longtemps.
Quand j'tions à l'êcole j'mé
r'souv'nîns d'avait dischuté
touos ches choses-là, sustout
la population, et les r'sources
Mondiale.

J'avions pâlé un tas, mais sans
lé pouvait dé faithe rein changi
et même p't-être sans réaliser
l'urgence qué lé dangi tchi nos
apportait. Ch'est tout bein dé
paler, mais ch'est l'action chi'l
faut.

Lé Sire Dâvi bein seux nous
donnes des chentaines

d'exempl'yes parmi les
pliantes, ouaîseaux, îsectes,
païssons et animaux dé toutes
espèces, dans son mangnifique
livre. Bein întérèssant, mais
pas acouo grand confort.

Mais la dreine section dé
presque eune chentaine dé
pages, fait la différence

Les pouores baleines (whales),
par exempl'ye ch'ont 'taient
chassées à presque extîncion
dans cèrtaines parties des
océans, ont 'té protégies à la
fin et lus nombre c'menche à
s'èrprendres .

La même chose avec les
mangnifiique gorilles dé
montangnes du centre dé
l'Afrique. Des gardiens, bein
couragieux, les ont protégies,
et achteu les choses sont bein
mus.

J'avons besoin d'érformer des
paysages sauvage et ch'est
r'mèrchabl'ye comment toute
sortes dé natuthe y r'vînt.

I s'fait en Asie, Australie, Afrique, les Amériques et même en Europe. I' y-a des pièches où'est tch'i y a toutes sortes dé chers (deer), por sauvages (wild boar), bisons, ourses bruns, et rénards, sont d'értout.

Ch'est d'même dans la ville dé Chernobyl, abandonnée par les pouor gens ch'y d'meuthaient i' y a 38 ans, auprès lé tèrribl'ye accident nucléaithe La natuthe a pèrchi à travèr du chiment, et les v'là érvénues. I' y a même des j'vaux Przewalski, si endangis qué, pour un temps, i' y en avait à notre zoo ichîn i' y a tchic années.

Tout chennechîn est-che possibl'ye? Oui, avec assez dé vision et détèrminnation unnivèrsel - mais ches chu drein mot qu'est si difficile.

Probabl'ye . . . Jé n'sait?

Mais au Sire Dâvi, mèrcie mille fais. I' nouos montre tchi qu'est possibl'ye et déjà c'menchi. Ch'est chenna tchi nos garde acouo optimistique.

Et pis j'v'nons d'aver les mangnifiques Jeux Olympiques, avec tant dé nations à travailli si bein ensembl'ye et paisiblyaiment.

D'avant en finir, j'voudrais payi tribute au Rev Canon Michael Halliwell, qué j'vînt ouï tchi n'est pus, et d'offri mes condoléances à sa fanmille. Comme un bein jeune maître à Mont Nicolle j'eu l'pliaisi d'înstuithe quatre dé lus êfants – la seule exception 'tait Kathryn, la grande, pus tard Kathryn Fuge, eune bein belle soprano avec lé fanmeux Tchoeu Montéverdi, avec tchi oulle est parfais soloïste – Pour tchique année j'eu pliaisi dé travailli avec Michael avec nos leçons dé RE. J'fut un pliaisi d'entendre ses Lettres

Jèrriaises au drein. Reste en Paix, Michael

Eh bein, n'en v'là assez pour anniet. N'oubliez pas la Rêunion Annuelle dé l'Assemblée, Sanm'di lé 28 Septembre à la Salle Publique dé St. Martîn, à deux heures et d'mie. Ch' n'est pas si lien qué tout ch'na!

À bêtôt pour achteu.

Dâvi Mathet

Lettre Jèrriaise (31) Saturday
17th August 2024

Good morning everyone and it's me, David Marett, who has the pleasure of presenting your Lettre Jèrriaise once more, today Saturday 17th August, 2024.

I'd like to believe that I'm still more of an optimist than a pessimist – perhaps sometimes a realist. It's sometimes difficult when we listen to the news not to lose all hope when there is so much trouble and suffering all round the world; whether it be the awful events in Southport or the riots that followed, totally lacking in reason or logic.

And then we have wars breaking out all over the world. Add to this Global Warming and Endangered biodiversity and politicians, seemingly more interested in bickering with each other than showing real vision for the future. Perhaps not always but

all too often! Isn't it enough to drive us to despair and fall into pessimism.

Yet, I have just finished reading a book by the wonderful David Attenborough, where he reflects on his long life on our planet.

The first chapters take us through the 1930s, 40s, 50s, 60s . . . to 2020, and among many other things, he gives us some statistics that are quite chilling.

In 1937 the world population was 2.3 billion people; by 1968, when I had finished my schooling, it had risen to 3.5 billion and 7.8 billion by 2020, a growth of more than three times since 1937.

Carbon in the atmosphere in 1937 was 280 parts per million but 323 in 1968 and 415 in 2020 – a rise of one and a half times from 1937.

Another indicator is the proportion of wilderness, especially needed by a diverse wildlife and animals. In 1937 it was 66%, in '68, 59% and in 2020 a meagre 35% - truly blood chilling!

We've known about this for a long time. When I was a school, I remember discussing these matters, especially the population and dwindling world resources.

We discussed it *ad nauseam* but without any power to change things and perhaps even realising the urgency that its dangers wrought on us.

It is all very well talking about this, but it is action that is needed.

Sir David of course gives us many hundreds of examples amongst the plants, birds insects, fish and all manner of

animals in his magnificent book. Very interesting so far but not yet great comfort.

But the last section of nigh on one hundred pages makes all the difference.

Poor whales, for example, hunted almost to extinction in certain areas of ocean, have been protected and are now recovering their population

The same for the mountain gorillas of central Africa. Courageous Wardens have protected and things are much better now.

We need to restore wilderness areas all over the planet and it is remarkable how nature comes back.

It already is happening in parts of Asia, Australasia, Africa, the Americas and even Europe. There are places where you can find all sorts of deer, wild

boar, bison, brown bears and foxes that have returned.

It is like that even in the deserted town of Chernobyl, abandoned by the poor people who lived there 38 years ago after the terrible nuclear disaster. Nature has pushed its way through the concrete and they have all come back. Even the Przewalski Horse, so endangered at one time that we had some in our Zoo here for a while but have now made a return.

Is all this 'possible' on a bigger scale? Yes, with enough vision universally. – but it's that last word that is so difficult.

'Probably' . . . I don't know?

But Sir David, a thousand thanks for showing us that it is possible and has already started. It is this which keeps us optimistic.

Then we've just had the wonderful Olympic Games with so many nations working together and peacefully.

Before finishing, I should like to pay tribute to the Rev. Canon Michael Halliwell, whom I have just learned has died and offer my condolences to his family. As a very young teacher at Mont Nicolle School, I had the pleasure to teach four of their children – the only exception was the eldest daughter, Kathryn, later Kathryn Fuge, a very fine soprano with the famous Monteverdi Choir, with whom she sometimes sings as a soloist – For some years I worked with Michael on our RE lessons. It was a pleasure to hear his Lettres Jèrriaises in later times. Rest in peace , Michael

Well that's enough for today.

Don't forget the Annual General Meeting of the

Assemblée D'Jèrriais, on Saturday 28th September at St. Martin's Public Hall at 2.30 pm. It's not so far away

Good-bye for now.

David Marett